

Fundur haldinn mánudaginn 30. september í Hermes Reyðarfirði kl. 13:30. Mætt: Gunnþórunn Ingólfssdóttir formaður stjórnar, Björn Ingimarsson, Páll Björgvin Guðmundsson og Sigurbjörn Marinósson forstöðumaður.

### Dagskrá fundarins.

1. Málefni fatlaðs fólks
2. Starfsmannamál
3. Önnur mál

1. Almennar umræður um stöðuna í málaflokknum.

Forstöðumaður fór yfir síðasta fund þjónustuhóps SKA og þær samþykktir sem þar voru lagðar til, aukningu um frekari liðveislu við fjóra einstaklinga upp á samtals 26 stundir á viku. Samþykkt.

Hafin er upplýsingaöflun vegna endurmats á faglegum og fjárhagslegum forsendum málaflokksins sbr. 11. gr. samkomulags ríkis og sveitarfélaga um yfirfærslu á þjónustu við fatlað fólk. Rætt var um reglugerð nr. 623/2013, um framlög Jöfnunarsjóðs sveitarfélaga vegna þjónustu við fatlað fólk á árinu 2013. Framkvæmdastjórnin gerir athugasemdir við niðurlag 5. gr. reglugerðarinnar þar sem fram kemur að hugsanlegum eftirstöðvum framlaga vegna breytingakostnaðar verði skipt milli þeirra svæða/sveitarfélaga þar sem hlutfallsleg lækkun framlaga, milli árána 2012 og 2013, sbr. 3. gr., er veruleg.

Forstöðumaður sagði frá sameiginlegum starfsdegi félagsþjónustu Fljótsdalshéraðs og Fjarðabyggðar um málefni fatlaðs fólks þann 12. september. Á starfsdeginum var horft til baka og farið yfir það sem vel hefur tekist, hvað má gera betur og horft var til framtíðar. Mjög vel heppnaður dagur.

2. Forstöðumaður sagði frá ráðningu Kolbjargar Lilju Benediktsdóttur í starf aðstoðarmanns sálfræðings, tímabundið til 15. nóvember eða þar til hún fær löggildingu sem sálfræðingur. Einnig sagði forstöðumaður frá áframhaldandi verktakavinnu Hugrúnar Sigurjónsdóttur, sálfræðings. Tilvísana fjöldi síðasta skólaárs vegna sérfræðiþjónustu einstaklinga var 399 og var fjöldinn svipaður og fyrri ár, þó heldur meiri. Vel hefur tekist að vinna á biðlistum, en núna eru samtals 36 börn á biðlista eftir sálfræðiþjónustu og hafa þau ekki verið færri lengi og biðtími hefur einnig styst verulega.

Forstöðumaður vakti athygli á skýrslu Capasent Gallup sem unnin var fyrir mennta- og menningarmálaráðuneytið í maí 2013 um framkvæmd sérfræðiþjónustu í leik- og grunnskólum.

Rætt var um geðheilbrigðisþjónustu við börn og þær ánægjulegu fréttir frá Akureyri um að Páll Tryggvason hefði opnað einkastofu í barnageðlækningum.

3. Undirbúningur aðalfundar. Forstöðumaður lagði fram drög að ársreikningi Skólaskrifstofunnar fyrir árið 2012. Í niðurstöðu kemur fram að halli á rekstrinum er um 1,4 milljónir en gert var ráð fyrir 6,0 milljónum í halla skv. fjárhagsáætlun fyrir árið. Einnig var rætt um fjárhagsáætlun fyrir 2014 og forsendur hennar. Forstöðumaður mun senda framkvæmdastjórn tillögur að fjárhagsáætlun.

**Ákveðið var að boða til fundar í stjórn Skólaskrifstofunnar mánudaginn 11. nóvember nk. kl. 13:00 og aðalfund í framhaldi af stjórnarfundinum. Báðir fundirnir verða haldnir í Fljótsdalshreppi.**

Endurmenntunarnámskeið Skólaskrifstofunnar gengu vel í sumar, fjögur námskeið voru haldin og sóttu um 180 grunnskólakennarar þau.

Skólaskrifstofan hefur gert samning við Höldur, Bílaleigu Akureyrar um tvo bíla til afnota frá september til maí loka. Bílarnir eru af gerðinni Suzuki SX4.

Fleira ekki gert og fundi slitið kl. 14:40

Fundargerð ritaði Sigurbjörn Marinósson